

# L' Ave Maria dil Signun : ina dellas pli veglias oraziuns ded alp

Autor(en): [s.n.]

Objekttyp: **Article**

Zeitschrift: **Il glogn : calender dil pievel : annalas per historia, litteratura e cultura romontscha**

Band (Jahr): **14 (1940)**

PDF erstellt am: **21.08.2024**

Persistenter Link: <https://doi.org/10.5169/seals-881148>

## **Nutzungsbedingungen**

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

## **Haftungsausschluss**

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

---

caschiel. L'alp Soliva sto dar il dubel, essend staus duas alps. Per la benedicziun de schetgs e nuorsas vegn ei 10—20 frs. en daner.

Messas audan neginas en quei; lezzas vegnan unfridas dals purs privatim. Las alps ein ina part essenziala de nossa existenza purila! Vegli po il Segner benedir e proteger quellas da tuts mals e sventiras, che pudessan tucrar glied e biestga!

---

## *L' Ave Maria dil signun*

(Ina dellas pli veglias oraziuns ded alp)

*L' Ave Maria!*

*E l' Ave Maria!*

*E l' Ave Maria!*

*Sontga Maria laudi Dieus cun sia sontga buna compagnia,*

*Cun Jesus, Jesus Christus. Amen.*

*E l' Ave Maria laudi Dieus!*

*Ed il car, bien sogn Pieder, a'l car, bien sogn Paul!*

*E l' Ave Maria laudi Dieus!*

*A'l car, bien sogn Murezi, a'l car, bien sogn Stiaffen!*

*E l' Ave Maria laudi Dieus!*

*Il car, bien sogn Dunau, a sogn Cundrau, a sogn Uclau!*

*Quels pertgieren e schurmegien avon tut malurdau!*

*E l' Ave Maria laudi Dieus!*

*Il car, bien sogn Martin e sogn Florin!*

*A'l car e bien sogn Valentin!*

*Quels pertgieren e schurmegien e laschien mai muncar a buc in!*

*E l' Ave Maria laudi Dieus!*

*Il car, bien sogn Gudegn e sogn Luregn,*

*A'l car, bien sogn Vintschegn!*

*Quels pertgieren e schurmegien avon tut mal striegn!*

*E l' Ave Maria laudi Dieus!*

*Il car, bien sogn Giachen, il car, bien sogn Placi!*

*E l' Ave Maria laudi Dieus!*

*Il car, bien sogn Giusep, a'l car bien sontg' Antoni!*

*E l' Ave Maria laudi Dieus!*

*Il car, bien sontg Vuender!*

*Quel laschi mai nuscher ne prender!*

*E l' Ave Maria laudi Dieus!*

*Il car, bien sogn Gion!*

*Quel pertgieri e schurmegi avon tut donn!*

---

*E l'Ave Maria laudi Deus!*  
*Il car, bien sogn Tschamun, a'l car, bien sogn Balun!*  
*Quels pertgiri e schurmegien avon tuttas malas auras ed il tun.*  
*E l'Ave Maria laudi Deus!*  
*Il car, bien sogn Rumetg!*  
*Quel pertgiri e schurmegi tut quei, ch'auda el mulétg.*  
*E l'Ave Maria laudi Deus!*  
*Il car, bien sogn Benedetg!*  
*Quel pertgiri e schurmegi tut quei, ch'aud' en stavel e sut tetg,*  
*Ch'ei stetti tut bein sidretg.*  
*E l'Ave Maria laudi Deus!*  
*La cara, buna sontg' Onna, e la cara, buna sontga Lisabet!*  
*E l'Ave Maria laudi Deus!*  
*La cara, buna sontga Brida!*  
*E l'Ave Maria laudi Deus!*  
*La cara, buna sontg' Urschla cun las endischmelli purschallas!*  
*E l'Ave Maria laudi Deus!*  
*La cara, buna sontga Nescha e la cara, buna sontga Tresa!*  
*E l'Ave Maria laudi Deus!*  
*La cara, buna sontga Catrina, e la cara, buna sontga Cecilia!*  
*E l'Ave Maria laudi Deus!*  
*La cara, buna sontga Mierta e la cara, buna sontga Mengia!*  
*E l'Ave Maria laudi Deus!*  
*La cara, buna sontga Sara e la cara, buna sontga Clara!*  
*E l'Ave Maria laudi Deus!*  
*La cara, buna sontga Luzeia!*  
*Quella meini nus tuts silla dretga veia.*  
*E l'Ave Maria laudi Deus!*  
*La cara, buna sontga Gada e la cara, buna sontga Barla!*  
*Quellas meinien po nus tuts sauns a casa.*  
*E l'Ave Maria laudi Deus!*  
*Seigi clamau si en laud e honur de Diu e de tuts sogns e sontgas*  
*Si enten tschiel e la sontga Trinitad! Amen!*  
*Ussa vi jeu s'enzinnar cun l'enzenna della sontga crusch.*  
*(Vegn fatg treis sontgas cruschs sin l'alp.)*  
*Ussa vai jeu s'enzinnau cun l'enzenna della sontga crusch.*  
*O Deus, sei cun nus oz e semper a semper! Amen.*  
*Deus pertgiri avon tutta malà gliud!*  
*Deus pertgiri avon tuttas malas auras!*  
*Deus pertgiri avon tuts strofs e castitgs! Amen.*  
*Salvi Deus e pertgiri Deus! a mintgin,*  
*In e scadin sei Amen.*

---